



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Arnoldi Corvini à Belderent J. U. D. Jus Canonicum, Per
Aphorismos Strictim Explicatum**

Corvinus van Beldern, Arnold

Amstelodami, 1663

Sagittariis.

urn:nbn:de:hbz:466:1-10591

De Sagittariis.

T I T. XVI.

SAgittariorum & ballistariorum arte adversus Christianos, sub poena anathematis, uti non licet; c. un. hic. puta in bello injusto, arg. c. sicut si confiterit. 3. de jurejur. omnino in justo. c. Dominus. 23. qu. 2.

De Adulteriis.

T I T. XVII.

ADulterium generaliter dicitur, omnis conjunctio, quae potestatem aut naturam legitimi conjugii non habet: c. nemo blandiatur. 4. nec hoc. 32. qu. 3. c. idolatria. 28. qu. 1. propriè tamen diversæ sunt fornicationis seu illicitæ conjunctionis species, *Adulterium*, *Stuprum*, *Incestus*, *Raptus*, *Fornicatio simplex*, *Luxuria contranaturam*.

Adulterium, est violatio alterius tori. Commixtio cum conjugato vel conjugata. c. adulterium. 36. qu. 1. Unde adulterium dicitur, quasi ad alterius torum accessio. c. cum lex. §. adulterium. 36. qu. 1.

Committitur; hoc jure (non Civili, l. i. C. hic.), etiam in solutam mulierem, à conjugato. c. 19. & c. fin. 31. qu. 5. cum eadem in marito, quae in uxore, castimonia requiratur. c. nemo blandiatur. 32. qu. 4. c. apud nos. 32. qu. 5.

Sed hoc ita, si præter actum tori, sive sui, sive alieni, violandi, & consensus & scientia alieni tori adfuerit. Non enim hoc crimen sine dolo malo committitur; nec etiam è voluntate, sed ab actu intelligitur. l. pen. l. miles. l. 23. l. 25. ff. hic.

Unde ea quae nupsit cum eo quem ignorabat habere uxorem, adultera quoad primum non est; nisi postquam id ipsum sciverit, cum eo concubat: c. si virgo nupserit. 32. qu. 2.